



勉菴集
一

~ 16
2374
1

共二十三



和
2874
-23

勉菴先生文集總目

卷之一

詩

卷之二

詩

卷之三

疏

卷之四

疏

卷之五

勉菴集

總目



疏

卷之六

書

卷之七

書

卷之八

書

卷之九

書

卷之十

書

卷之十一

書

卷之十二

書

卷之十三

書

卷之十四

書

卷之十五

勉菴集

總目

二

書

卷之十六

雜著

卷之十七

序

卷之十八

序

卷之十九

序

卷之二十

記

卷之二十一

記

卷之二十二

記

卷之二十三

跋

卷之二十四

跋

銘

贊

告祝

祭文

卷之二十五

碑

神道碑

卷之二十六

墓碣

卷之二十七

墓碣

卷之二十八

墓碣

卷之二十九

墓碣

卷之三十

墓碣

卷之三十一

墓表

卷之三十二

墓表

卷之三十三

墓表

卷之三十四

墓表

卷之三十五

墓誌

卷之三十六

墓誌

卷之三十七

行狀

卷之三十八

行狀

卷之三十九

行狀

卷之四十

遺事

傳

勉菴先生文集總目

勉菴先生文集卷之一目錄

詩

掛弓軒次板上韻

別李都事元儀還京

奉審元翁謫廬碑閣由天一亭運籌堂至楮林

書院舊址徜徉而歸拈韻寓懷

次李燾寄示韻

次李明峻寄示韻

漫題

別刀鎗乘船

武陵洞槐陰下拈枝字

順天士人趙鍾憲靈巖河權默入來相守

暮春登山

光州宗人來訪叙懷

偶吟

燈火

黃菊

傷秋

聞鴈

漁父

秦始皇等長城

韓文公斥佛

登牛耳一名黑山口號

次重菴金丈平黠寄示韻

朴友弼瑞出鉉以農字扁其居室余曾以小序

志之今又拈韻要足之遂步以呈

酬朴道謙海量

傷時

牛耳即事

除夕與家兒拈韻

向大黑山舟中口號

暮泊鎮村

余美村

宿深村

門巖峯

仙遊峰

骨九尾

更賦門巖

更賦深村

再入大黑定頓書塾

秋夜

初月

重陽

山行

履霜

古松

漫成

戊寅暮春發仙遊之行路中拈韻

宿沙村人家

仙遊峰

歸路拈加字

舟于永山前洋

全在卿喬培重會于黑山海上其喜可掬

賈長沙賦鵬

映山島題主人崔權仲壁上

指掌巖刻字後拈韻

送金在卿還鄉

次金子元勳韻

步出松陰

倚斗石

與諸人共登松亭

別金子元

新年得韻

留別黑山書杜諸君

拜下沙奇丈正鎮

留別宗人道卿泰煥

古莫院夜逢金子元叙別

河南席上與諸生共賦

贈李德行轍濟

趙景賓昌顯遠來相訪用短韻忘拙貢贐

贈別朱希叔

明植

次伯從兄韻

謹次畏省堂原韻

步韻呈鄭田荷

敬采

詞案

依韻贈高清汝

石鎮

別強窩尹而晦

景溥

奉贐愚拙李希深

和李仲熙

光教

閱拙翁金公褒闡顛末感題

四月三日與諸友發金剛之行

途中口號

禾積洲

北寬亭

滄浪亭

披襟亭

長安寺洞口

靈源洞

次靈源菴板上韻

歇惺樓次板上韻

萬瀑洞

普德窟

金剛水

衆香城

毘盧峯

鴈門峴

曉雲洞

船潭

海金剛

四仙亭次板上韻

萬歲樓拈梅竹韻與應溟僧共賦

共應溟上普雲菴

依韻酬應溟

萬物草

九龍洞

王流洞

飛鳳瀑

金蘭窟

依韻酬高底李友

元山南山

飄飄然亭

駕鶴樓

釋王寺

分水嶺

遼東伯廟

高石亭

尊潭

三釜洲

龍華

梁文路中

次吳孝子

賈植墳庵板上韻

奉贈蔚珍宗人國鎮

聞金相公炳德解官歸洞陰

領浦舟中

望摩尼山

渡帆浦向長芝山

宿芝山精舍

過麗王舊基

領井浦滯雨與主人共賦

還泊領浦

元正小會

上元

贈別梁順集 在海

贈別洪由範 疇厚 林仲明 肅榮 洪昌彥 啓裕

曠月上人至自金剛半日接語以一絕贖之

和贈盧賊五 應奎 李英汝 基春

次東塢亭原韻

書贖洪文寶 信裕

勉菴先生文集卷之一目錄

勉菴先生文集卷之一

詩

掛弓軒次板上韻 卷四

漢翠山一點積水渺茫中愧乏元城操肯嫌屈子窮

光迎蓬海月香襲橘林風萬里君親遠綠何馨素

東

遊遠男兒事八荒亦室中北瞻天極迥南渡地形窮

百念都成水一帆但信風巴翁當日事徒激後人衷

別李都事 元儀 還京

野岷千時政朝著不從容衆咻如鼎沸三司暨百工



所以人心變多在禍色中君獨奚取我有若乃已恫
王事曰靡盬萬里駕遠風路迷嶺雪白衣濕江雨濛
隱憂駭機作聲說行資窮凡屬疑謗處眷眷一始終
纔涉瀛洲境棘我城之東沐浴炎瘴窟坐臥魑魅叢
猶有未盡慮勸我做旨聾杜門耽書籍莫與外人通
恩霈當有日世或誦令公此意良已勤偶若知友逢
願君無嗟勞吾當保吾躬焯焯一段懷君我親在同
我畱君先去睚淚自感衷

奉審尤翁謫廬碑閣

前向書九卷宋先生謫廬遺墟碑十字牧使張寅植

記其由天一亭被竹西樓舊址即玩球太子運籌

堂

李山海筆謂是龍蟠形以止相望地又至橋有觀德亭讓寧大君筆謂是虎蹲體

林書院舊址

曾享冲菴圭菴桐溪清陰九翁五棟于無形止惟有曾朱壁立

模刻石壁及張寅植中徜徉而歸拈韻寓懷甲戌

一宿楚山慷慨多餘心到此更如何種畫編禮當年
事猶有清風拂面過 右遺墟碑

江城花落翠屏開瘴雨蠻風歲幾回二子三良悽切
句至今徒感後人來 右天一亭

運籌堂闢擅耽羅左水右山得地形往事百年無問
處只留傑筆與爭雄 右運籌堂

鵬斧遠侵楠袖陰摩挲苔迹淚盈襟却憎從古妄男

子猷拂大同天下心

右書院舊址

次李燠寄示韻

獨居無事戶常關誰識箇中日月閑一榻全書堪寓
目三杯薄酒強怡顏倘非仙子曾前約肯許名山偶
爾攀莫謂惠州天上在鄉音時帶去舟還

盈盈大海始於絲吞地滔天勢極危縱稱島俗殊聞
見自有靈山擅恠竒隔砌清香柑半熟入簾秋氣客
先知休道行藏隨處適風頭立脚古難持

次李明峻寄示韻

羞見黃花笑逐臣從今願作祝堯民禮樂千年箕子

國車書萬里 大明春未陸斯文期努力無端恠說
任紛綸須知先聖遺來教衆法之中首五倫

漫題

有懷眠不假即欲問于天其奈蒼生億殆同坐漏船

別刀鎮乘船乙亥

幾年絕域隔紛塵四月南風雨露新山靄都收波面
靜一場快做壯遊人

縹緲靈山不受塵鹿潭瀛室渡頭新累迹雖慚仁智
樂庶能誇我遠遊人

武陵洞槐陰下拈枝字

武陵何處在指點老槐枝踈族情還密幽居樂未移
江深魚產足山抱樹陰遲千里偶然客適丁梅雨時
順天士人趙鍾憲靈巖河權默入來相守數日
拈韻共賦 丙子
頻年嶺海迹堪悲是處逢人喜可知羣憾盈庭三尺
歇 聖恩減死一帆危圍廬未易團圓會陋境猶多
邂逅期日晚江城船發促強牽征袖覓新詩
意中人自朗之城囚室讎驚眼霧晴違國論時難倖
免樂吾心處有全生翠山曾感三年問牛島重圍此
夜情居久莫嫌滋味薄家家新麥動歡聲

暮春登山

瀛洲採藥夢依稀萍跡重臨黑水西塞霧連天同闔
關列山浸海混高低境寒花懶三春意谷邃禽閒盡
日啼滿眼風光隨遇足且傾樽酒莫催歸

光州宗人來訪叙懷

羈戀都輸碧海空忽看花樹夕陽紅平時懷仰只名
下僻地顧存真夢中水國行裝輕白髮眉間詩禮見
高風何堪從此分携席千里相思意萬重

偶吟

聖言千載也分明島戶猶聞讀字聲可惜滔滔名利

窟每緣身計國憂輕

燈火

枯枝依岸水長結五夏花土伴伊吾榻女宜績紡家

黃菊

佳色兼清馥端宜處士培羞同桃李節遲向九秋開

傷秋

小戶風生警晝眠亂峰秋色夕陽邊堪憐昨日瀛洲

客又向斯中度一年

聞鴈

隨時南北任清閑高舉羣百鳥間啼來莫近湘江

岸孤客怊怊不辭顏

齊翻成行意想閑更傳清響出雲間楚鄉萬里書難

繫白酒黃花強借顏

漁父

閒翁事業子竿垂容易年光又一秋水冷無關魚不

食萬緣正好此中收

莫謂漁人但釣垂渭翁桐老照千秋當年若有虬魚

志未必奇功德地收

秦始皇等長城

碣石崑山不計遙魚游怨曲逼清霄先王只畏民心

去何必區區備虜騎

韓文公斥佛

一篇原道闢儒門大業昭垂長夜昏假使佛靈能作
禍亦應當日倡危言

登牛耳

小黑山一名

口號

流殫之行兼遊山之樂者無幾人焉非不欲
也蓋志奪氣屈而不能為錦城治西百里而
遠至靈光多慶浦由水路橫豎之松花錯嶼
之間盡飛禽內洋而為大海西南行四五十
里有一山屹聳作二層前低面北後高向南

縹緲于內外二十四島之列者即牛耳島前
右支磅礴而向東後左肩邈迤而向西其平
橫成嶺者為民人往來之路又其西歷巖巖
圍嶂峻極于天者而稍缺陷以通眼界者為
瞭望處所又迤而北層壁削立勢極雄威者
為窟峰絕頂其南巖口大開上圓下坦藏風
閉雨可容百餘人向北有水懸空點滴味亦
清甘又迤而東北里許便與右麓相對作津
門諸船泊焉其外小岡橫遮作案崇竹蔚蒼
傳以為駕鳥一條清澗發源兩峯之間不幾

百步入于海嶺之西五里四高中階不見海
色者為臺村又踰而西山脚曳入于水回繞
向南者為星村又其南背阜面屯解脫劫氣
者為猪項自是滌之而上至南邊支甬成巷
處懸崖而居者曰曳尾越一麓一津而背北
面南者曰小牛耳周不滿三十里戶僅百十
餘遠之七八百里或千餘里而黑山可佳苔
士曼子鳥島漢翠遮其西南以次而東而北
水陸諸山千形萬狀星列碁布重重關鎖為
之羽翼誠僻陋險惡之地而只其介在大洋

凡異國商船漂舶賊艦之過去來泊不可一
任其恣意無憚而合有侯望備問之政則亦
一關防重地國家懲壬辰之役且夫湖南一
省為當時受害之冢故於沿海可合防守處
皆置戰艦器械以為之備 明陵丙辰就本
島及黑山各設館廨擇諸營將卒久勤鍊達
者為之差遣分一年風之高和而輪處焉其
憂患生民之意可謂至矣然其為官也內無
城郭弓矢之資外無蚍蜉蟻子之卒而綱領
管轄遠在數百里鯨濤鼉浪之外萬一海賊

倉卒泊岸則文簿供申之間一島民命已被蹂躪而莫有控訴名爲防守而實以其民役於賊至如近日洋船事亦可見也豈當日籌邊之臣未及深計致此踈忽者歟余自耽羅放還之明年春二月以指倭爲洋之罪重入是島始見其參天石甬三面繞匝向東一口海以限之真天作牢獄萬死餘喘凜凜若不保全活及其飲啖而水土清潔寢處而蛇蝎屏迹且終歲大旱瘴濕殆十之三應接民人聽其語說舉知尊君卑臣貴名殺而賤夷狄

絕非朝廷士大夫識見所可企及凡世外是非欣戚一切不入耳孔晴晝月夕惟聞石田叱牛聲滄波搖櫓歌而已雖武陵桃源未足以喻其勝也於是向之喘於心駭於目者漸次消磨妥帖依然有坐禪入定之意然後讀陶山節要之篇誦巴翁鐵嶺之詩涵濡以體之諷詠以暢之舉天下之物不足以奪吾方寸而竄謫苦辛不足論也坐久而添脚氣也先登窟峰及前頂試其步履次登最上頂盡一山形止及四面水勢之曠狹岡巒之遠近

以寬其腦次又審鐵馬督井

世傳孤雲先生之入唐也至此

山後小井泛銀盃以留之又置鐵馬以鎮山

氣鐵馬尚存而銀盃近為里氓偷賣因以絕

云以及十餘年荒唐之古迹然後知此山之

遊無減於瀛洲而今日之行亦未始不為困

窮堅忍之一助也同行者別將楊文煥主人

文寅周八今金大鉉領將孫熙宗率備金兄

煥也時丙子秋夕

一峰牛耳接雲高登陟渾忘氣力勞可愛層溟多少
嶼萬年壁立敵洪濤

次重菴金丈平默寄示韻

嶺海年年雨露均濱危殘喘敢言還看書要識從違

別臨事須分夢覺關懷利來時生死辱循公去處古

今閑止風萬里家何在回首鯨濤浩渺間

居官居謫庇身均一苦一甘自往還奇觀再過千里

海孤棗常結九重關 聖心宵旰臣隣仗廟筭淒涼

酒肉閒聞道東槎迎賊至此名應在死生間

朴友弼瑞與鉉以農字扁其居室余曾以小序

志之今又拈韻要足之遂步以呈

考槃澗陸可瀨精萍地暫攀眉宇清養竹似賢要共

操培蘭如玉樂新成鬢鄉白髮驚秋色仙境高標對

月明率爾狂言何足數一天含氣自同聲

東岡佳趣寓書農 聖代長者樂歲逢山好不妨遊

客至谷溪堪愛小車容禾麻經雨肯連陌松竹舍烟

翠作壙安得全家移別界暮年詩酒與相從

酬朴道謙 海量

瓊韻宜即奉酬而漸頓廢弛便置忘域今並

以五言臨遞構呈覽即覆韻

乖候何曾憾厥應自我民天地生成理古今一體均

此義無由達羞稱補闕臣 右夏 弱植不自持猶帶造

化機託根非其地雨露那更希 右庭 人心有好惡向

背乃其常麟經垂鈇鉞閩史判陰陽云何夸毗子喋

聶訟倭洋一得宜詢堯衆口且觀鄉孤臣焯不寐堪

嗟國本戕 右迎 擊世有恒言何妨一念惡毫分千里

差大禍容易作先聖惻然斯教人牢著脚莫將閑議

論搖我方寸樂 右童 絕域天南傲羈隣接祝融行葦

隨分定放逐荷 恩崇塔竹鳴宵雨江榴動秋風酬

問吾堪恥恤難子偏功明發遙相望雲山不可通 右

別深廣巖風雨萬年自在家却嫌真面露列樹遮紛

華 不窟

傷時

千年傳授訣那料一朝翻忍迎魚鬼賊出入帝王門
聖心豈若此歎息欲無言佇見天行處稗陽始自坤
只麼西洋教能令四海翻一片吾東地尚由道德門
卒然黃汪輩攘臂戰公言福威雖自力獨不畏乾坤
人性生來直緣何覆更翻捨却芝蘭室謾尋枳棘門
服儒嗟偽飾衛聖但空言須知君子道易簡法乾坤
牛耳即事

茅屋數間臨碧江偷閒養靜也無雙潮聲撼地寒侵
席雲氣籠山翠隕窓未效丹心憂 家闕且將窮夜
點書缸有時風雨人稀到落葉輕輕每訝楚

孤帆再渡入湘江蕙草蘭香自有雙苦憶病親長隱
几却看穉子喜開窓旅厨歲儉無兼物雪屋寒多共
一缸但恨春回分手地那堪門戶去來楚

除夕與家兒拈韻

天涯殘喘接年荒夢裏青城正渺茫破寂風驅潮汐
浪怕寒雪擁薜蘿墻偶當見面差開眼回戀親厨欲
斷腸浮世人情翻覆覆不知明日又何鄉

向大黑山舟中口號丁丑

聖時無棄物絕域老孤臣欲強殘骸力拂巾問海津
搖櫓波心碧懸篷客意新回頭山更遠疑是向南閩

孤槎出沒莫言艱萬里風烟談笑間
最愛靈山如引客故教微雨洗孱顏
世味經來百險艱此行應在是非間
西風振處艍如矢今日老開病裏顏

莫泊鎮村

窮源到處眼偏明短壁層巒縱復橫
借問居人何所事澤魚山麥做平生

余美村

自鎮東距五里映山島遮肩胛

一枝看逕入雲端翠岫交陰夏亦寒
咫尺仙靈知不拒從本休道借還丹

宿溪村

在門岩峰南自鎮十里強

結廬堪愛占清幽古木荒藤閱幾秋
多謝村翁勞遠客引傾大白勸遲留

門巖峰

兩山之間如門故云一稱雲岩

山在南溟浩渺端登臨五月凜生寒
宛然天地無形外一望水雲不盡間
耽景何嫌雙脚苦尋真只許寸心寬
謫來猶有踈狂態縵躡瀛洲更此攀

仙遊峰

朝霧難分細逕幽日高晴朗半疑秋
依稀漢使銷丹鼎指點秦童採藥舟
石束鸞笙蔽海面松扶鶴駕向

雲頭老仙亦解吾心事露出真顏暫見留

帶九尾

麗朝置月山郡山城下有廢礎破碑及佛塔二座八本園改為黑山

殘郭當年費意成誰將往迹說分明苑臺人去花無
主古塔雲空鳥有聲異代廢興猶可感一隅關防亦
非輕堪憐皓皓山頭月漫入層冥幻本名
遊遠多從放廢成百般風景美虛明江深魚樂鴻濛
界樹密禽閑太古聲踏盡高低為日久斷來榮辱置
身輕世間如有知山客未必當年黑以名

更賦門巖

晚來啼鳥拂林端短策經由碧磧寒艱步深穿雲雨

上朗吟高立斗牛間一身俯仰山河小萬物含藏宇
宙寬莫道此中容易到至今我亦費心攀

更賦溪村

分占水曲擅佳幽著地生涯麥一秋取適多着踈結
網警邊時有意回舟天門浪打龍奮翼石室仙開鰲
鎮頭炎瘴不収樓又起無端客馬數旬留

再入大黑定頓書塾扁其楮日日新堂有六七

冠童朝夕問字頗慰湘纍之懷

三黜行裝慣問津會同半是挾書人却嫌孤塾無題
字故向今朝揭日新

秋夜
行吟到處任棲遲中夜時占反面期最怕眠醒無語
地催寒消息入庭枝

初月

誰將崑玉削如鉤掛在雲霄萬里頭依倚淡影侵虛
室異域孤臣謾賦秋

重陽

年年重九會只接海山高久客身多病涉難意更豪
浪迹依靈境餘緣付濁醪古今均失得自適不須勞

山行

黃花懷故國白髮感流年窘步常居後危攀更跋前
山河窮此界日月寄何邊瘦骨因微醉班藤暫借眠

履霜

坤剝文承裏一陽獨自微草蟲尋戶蟄渚鴈擇蘆飛
懶汲嫌徒跣貧傭妄索衣堅冰知不遠遲却故山歸

古松

旅榻無窮趣疎松隔水端浸滄山海氣沐浴雪霜寒
一節難移志百年不改顏愛看三兩鶴時帶下風還

漫成

西氛驕白日斯道一何孤容易迷寰宇居然穢版圖

蹶天難自擎危厦更誰扶先聖垂遺訓修明但在吾
戊寅暮春同課徒三四人發仙遊之行路中拈
韻得生字

海嶽春將暮谷禽喚友生穿雲艱著步陟站若爲情
花重前宵雨山環太古城薄暉休杖處漁笛數聲橫
宿沙村人家

春深處處樂羣生十里携朋瀉客情浦戶重尋周歲
約月光添得半宵明短原連麥迷通逕列岫交陰翠
作城纔喜仙源咫尺在更看海味錯縱橫

仙遊峰

引手攀蘿向碧峯偶然佳會幾人同苔深石逕迷玄
圃雲鎖真顏問赤松駕海何須勞漢使採芝今已蹊
商蹤名山亦是嫌寥寥寂故激危濤奏鼓鍾

歸路拈加字

日暖風輕草色加尋真兩夜宿山家雖稱編戶逢人
少自有詩明得句多積水憑眸雲出沒懸崖側足路
橫斜且看春色餘無幾爲報東君莫散花

舟于永山前洋

春來幾擬訪漁舟此日輕風可漉流眼界星馳羣島
列胸中鍛却點埃留魚因甚事潛還躍鳥拂天機浴

夏浮乘興未須愁薄暮朗吟佇立碧波頭

金在卿衡州讀書士也識荆於瀛洲重會于黑

山海上其喜可掬詩以見志

腐儒往事摠虛生晚結深交宿願成書存病骨居常
感躬涉層浪計太輕詩禮在眉傳世遠圃農隨手宅
心清長沙行色今如古會面何須做俗情

江城四月綠陰生好會偏緣有志成吾負大何流殫
遠君因甚事往來輕避塵自是名園足學古深知契
活清耽海黑山看作陸疎狂應不世間情

賈長沙賦鵬

野禽翔集主人居漫下去留恠識書升沉有數窮何
病禍福同門樂自餘形骸半世終灰劫志氣百年巨
太虛焯焯千秋相感意五更寒月入簾疎

映山島題主人崔權壁上

借問何時奠此居晚來猶味少年書僻江曾道生涯
容古墓今看歲月餘培萱石田閑事業結廬竹藪養
清虛偶然三宿成真趣且講前緣莫自疎

指掌巖刻字後拈韻

化二分却一枝山擲入洪濤浩渺間強半衣冠曾避
俗尋常炎瘴苟偷閒地連箕域書無證曆玩 崇禎

歲幾還此刻雖微關係大為教洞主莫輕刪
一部陽秋問碧山摩挲佇立草堤間居人莫謂乾坤
窄隙地從看日月閒非有良工心裏運誰模舊迹眼
中還職方版籍隨時變老石千年應不刪

送金在卿還鄉

閱世滔滔面撲埃何人保得舊靈臺操存在我宜加
力感應由天莫任裁征恨欲分江上榻羈懷誰共月
前盃取亭春水源頭活莫引風烟點綴來

次金子元韻

不才只可棄於斯海月嶺雲擅怪竒到處無妨安兩

野禽翔集主人居漫卜去留恠識書升沉有數窮何
病禍福同門樂自餘形骸半世終灰劫志氣百年巨
太虛焯焯千秋相感意五更寒月入簾疎

映山島題主人崔權壁上

借問何時奠此居晚來猶味少年書僻江曾道生涯
窄古墓今看歲月餘培萱石田閑事業結廬竹藪養
清虛偶然三宿成真趣且講前緣莫自疎

指掌巖刻字後拈韻

化工分却一枝山擲入洪濤浩渺間強半衣冠曾避
俗尋常炎瘴苟偷閒地連箕域書無證曆玩 崇禎

歲幾還此刻雖微關係大為教洞主莫輕刪
一部陽秋問碧山摩挲仔立草堤間居人莫謂乾坤
窄隙地從看日月閒非有良工心裏運誰模舊迹眼
中還職方版籍隨時變老石千年應不刪

送金在卿還鄉

閱世滔滔面撲埃何人保得舊靈臺操存在我宜加
力感應由天莫任裁征恨欲分江上榻羈懷誰共月
前盃取亭春水源頭活莫引風烟點綴來

次金子元勳韻

不才只可棄於斯海月嶺雲擅怪竒到處無妨安兩

膝何須從外費營為

囚山不料接如公水月精神驗外中書暇好兼仁智
趣筇鞋踏盡海西東

倦眠纔罷已平朝念及曾遊韻更挑身若繫駒雖帶
病心同翮鶴尚干霄一生付與天翁定百念都從酒
國消容易今年秋又至何堪家室望邊遙

湘濱旅瑣借書亭白髮時驚幻舊形地括衆流全面
黑山分脈絡數坏青蠻鄉不歎相如病瘴日深嫌阮
籍醒匪意偶逢知己友談經論史摠堪聽

考亭的脈有華陽壁立事功言更長扶道從初排異

說委身到老涉層洋
氛妖氣挫雷霆
下魑魅形逃日
月光四海如今成一變
安危欲訴白雲鄉
彌天大水耀孤山
坐到真疑夢覺關
遣日偏宜書一卷
投身自足屋三間
逢人觸處皆豪放
觀物時來不
等閒積歲旅懷無
語度數杯濁酒始開顏

步出松陰

怕炎時或坐輕陰
三載徒勞屈子吟
莫謂海邦無好事
白雲流水共知音

倚斗石

塾側有小澗澗邊有小石
平鋪可供坐臥杌

是拔草剔蕪擴而大之比
舊面得三之二合
容三四人濯纓濯足俱無不可
余欲命名而未得
子元取工部詩每倚北斗望京華之句
名以倚斗余曰諾因呼韻賦之

竒巖粧出小溪前
細柳蒼苔更雜然
蓬島新懷今八月
金門待詔昔何年
寸心補衮雖無地
萬里傳生別有天
杜子孤東先我得
效嘔不妨續遺篇

與諸人共登松亭

絕域逢迎亦一時
開樽偏愛午陰遲
莫言此席難爲別
自有前頭不盡期

別金子元

千載紫陽月隨人到海南博聞加鍊熟主敬更沉涵
好會顏纔解離情口欲含長風宜利涉無計駐征驂

咸平有山名紫陽舊享宋而先
賜額紫陽書院近年同入毀撤中

新年得韻已卯

春生料理舊歧尋只恐風雲翳作陰隨命置身無惡
境懷仁接物認知音扶傾曷恃時人手悔禍將看上
帝心最是長江寒雨裏不堪送子淚沾襟

留別黑山書社諸君

孤塾三年絆已時於焉不覺赦鷄遲 特恩偏被山

河重愚性愧無寸尺移敦學相資方寓味別離在即
却含悲寄言羣力能餘暇指掌巖邊建小碑

拜下沙奇丈 正鑣

道在南州望不輕秋陽江漢幾人情再來只見伊川
面五十無聞愧後生

留別宗人道卿 恭煥

百里同車說不輕到今其奈去留情曲江春水源頭
活莫以虛閑做一生

古莫院夜逢金子元叙別

綠江細雨五更天珍重小車度幾川潁水箕山從此

遠願將書幅講餘年

河南席上與諸生共賦

客裝屑屑去來輕
好友逢場認有情
習禮輪經真有趣
足願將此事勗平生

贈李德行

轍濟

歎子芳年賦遠遊
愧吾難應一言求
嶠南古是英賢地
勉向殘經努力修

趙景賓

昌顯

上黨秀士也遠來相訪其意可感

用短韻十五忌拙貢贖詩云乎
茲聊以志後日
不念之資云爾

偉哉小華子巴曲接淵源
家在上黨谷長物屋三椽
朝耕山上雲暮汲山下泉
功利非攸願吾道有真詮
正大尊周義森嚴闢洋言
博學無常師尚友有專門
兼成烟霞痼領略好山川
料外尋蓬屐再到薜蘿村
而我滄桑劫十載遠日邊
兩雪無非教卷舒一聽天
對君增意氣三宵樂同眠
知音諒未易託契可忘年
偉迹前修遠蔓草歧路連
我生不圖始到老方慚然
願言各努力不負一心傳

贈別朱希叔

明植○庚辰

已卯歲除前日咸興朱君希叔見過值余窮

之遂傾旅囊以贖之因相守結夏替我勞苦
餘力問字及其秋生不堪墳墓親戚之戀遂
揖而告歸豈可無一言茲書以贐之

一部為人談莫如小學書先王風已遠將此慎終初
次伯從兄韻

法斲綱淪政此時窮途俵俵問何之不關天意難回
轉只怕人工妄作為掃賊如要能戰守保邦孰讓任
驅馳莫言廟筭終歸好暗室欺心有四知

謹次畏省堂原韻

慈孫堂構一心真巨筆丁寧護有神誰繹尋常言外

旨喚醒末路醉生人

步韻呈鄭田荷

敬采詞案

肯堂那忍捨匡廬此義曾聞丈席餘嘉遜無妨羣鳥
斲固窮只可問耕漁百年手澤悲桑梓一壑前塵撫
屨車未報劬勞身已老青燈淚灑讀遺書

依韻贈高清汝

石鎮

過我窮山計太遠謏聞愧乏講精微求仁最切安心
宅擇業須防任氣機川奔晝夜方滋海玉極磋磨始
發輝却幸滔滔名利地妙年英銳似君稀

小廬咫尺澗之濱梧月松雲不染塵道降溪懷天下

士時危益信卷中人平波循物祇為病禮義存心到
處春一理流環應有復試看旭日每朝新

別強窩尹而晦

景溥

強窩老人晚而好讀東西南北惟從師取友
是切急又隨諸路僉君子觸禁咄 閣坦蕩
無幾微色是其高風卓操有足以愧死羣狂
豈不壯歟聊構短絕以見志

憂國懷親一念真衰年課學更精神師門推樊丁寧
意萬事都由自強人

奉贐愚拙李希深

記余勝冠前侍先師于槩溪書室嘗見共族
人一何公對食連寢酬酢爛漫情誼款曲愚
蒙之見亦竊識此公之斷斷為君子儒而先
師接應之量出尋常萬萬也歲在乙亥公之
胤希深氏自嶠南之居昌將東至于楊根過
余青城山中靈芝醴泉根源可證追念往迹
赫赫如眼前而顧轉間殆為三十餘年事矣
慨先輩之益遠惜流光之莫追驚倒欣慰未
嘗不興懷發歎時適病蟄失於蘊叙心恒焯
結如物在喉今於再枉不得無一語聊以叙

情詩云乎哉

邂逅尋常約幾年水注東衣冠餘舊俗詩禮見家風
仁里身堪託名山意不窮只嫌遊遠屐虛屈草茅中

和李仲熙光教

離隔清標問幾時川雲嶺月有懷遲堪誇一席從容
地多少名言我自知

閱拙翁金公褒闡顛末感題四韻一篇恭呈秀

山丈處成詞案

洞陰麥丘之地故有孝子金公以古家淵源
隱德不魯布韋而終歷三世至秀山丈好古

博學善述志事末乃申于朝廷用膺褒典而
又使遠近士友咸歌頌詠歎以述其美先輩
所云萬事莫如好子孫者尤可驗也余亦奉
約者久矣而塞荒餘喘未克踐言值今生還
不容終默忘拙構副

天德在我有為則得人爵由外其求甚力修其天德
人爵斯至炳然厥應古今一致睠彼洞陰山明水清
仁賢邁軸後前相并思翁以降農淵潛光蓮城古閣
著于一鄉二大憲公特蒙吹噓兩地麗澤厥孚文如
輕財賙窮危論扶正偉哉樹立實莫與競公承厥緒

早歲才名識趣高，遠文藻簡精于以進取。綽有其易，顧乃不屑反。我衡泌有書可讀，有地可耕，樂在其中。若况簪纓，惟孝友于本立道生，蓋其天性，豈曰勉行。令終百年，公議益新耳。孫殫誠故事，是詢鼓唱，章甫聲聞九天，稽實酬報，厥有衡銓一命，華爵賁飾，泉壤瞻聆動色。士林慨慷，盍請賓友以榮。君賜旨酒，既馨佳肴，孔備鴻儒述事，才子獻詩幽隱，畢陳巨細，固遺好德所同，非一人私為善者勸，不其在茲。余託接壤，世好敦熟，一言附驥，有意即夙九死南荒，諾便歸宿，荐承尊命，汗顏悚慙，為誦古訓，用警頽俗，雖慙猶

獻可恕貂續

四月三日與諸友蒞金剛之行

王采

瀛洲餘趣屬蓬山，竒觀徒從偶爾間。却恨揄揚無大筆，少多風物付虛閒。

途中口號

好友知難再名山，亦一時祗嫌心帶累。何愧鬢如絲，念世堪垂淚。忘形且塞悲前頭，無限景隨到。覓新詩

禾積洲

神龍幻石走溪洲，禾積輪囷別有天。緩步經由蒼壁下，朗吟坐久碧灘前。虛名無補民生食，壯蹟猶勞客

杖連賴爾潛功時作雨能令萬物各欣然

北寬亭

翩翩筇屐向東州回首難寬望美愁
古都形勢經千劫重地關防閱幾秋
曾聞巨室傳三姓更看名園聳一樓
却羨主翁先據了翛然物外任閒遊

滄浪亭

老柏森森綠映扉兩三村落世塵稀
百年古樹山無改四月濃陰客自歸
蹊路間關水漸侵岸松浙瀝風飄衣
忙緣恐負蓬萊約不暇閑尋舊釣磯

披襟亭

王女峰前一水橫長堤綠野掌如平
勝區但道滄浪好不意金城又此亭

長安寺洞口

斷髮嶺過步屨輕長安洞口夕陽明
居民不厭江山客呼應爭傳路引聲

靈源洞

萬壑清泉路行穿十里雲襍花多異
見幽鳥駭初聞朝紳果忘世石面簇成羣
竒觀松斯足何須向望軍次靈源菴
板上韻

蒼崖削立洞天幽誰遣丹霞護別區
論交物外多青

眼寓迹靈源愧白頭沿流定好開花晚過壁還嫌著
樹稠一席禪房高爽處百千世事等雲浮

歇惺樓次板上韻

逶迤石棧掛晴空躑躅相參綠葉紅萬二千峰無盡
態歇惺樓下夕陽中

萬瀑洞

洞深宛若井中天萬瀑嘉名出世傳元化奇巖因畫
局真珠活水自成淵品題幾度前人手風物猶依太
古年堪笑東來千里客頽齡五十始朶仙

普德窟

至女峰前一水橫長堤綠野掌如平勝區但道滄浪
好不意金城又此亭

長安寺洞口

斷髮嶺過步屨輕長安洞口夕陽明居民不厭江山
客呼應爭傳路引聲

靈源洞

萬壑清泉路行穿十里雲襍花多異見幽鳥駭初聞
朝紳果忘世石面簇成羣竒觀在斯足何須向望軍

次靈源菴板上韻

蒼崖削立洞天幽誰遣丹霞護別區論交物外多青

眼寓迹靈源愧白頭沿流定好開花晚過壁還嫌著
樹稠一席禪房高爽處百千世事等雲浮

歇惺樓次板上韻

逶迤石棧掛晴空躑躅相參綠葉紅萬二千峰無盡
態歇惺樓下夕陽中

萬瀑洞

洞深宛若井中天萬瀑嘉名出世傳元化奇巖因畫
局真珠活水自成淵品題幾度前人手風物猶依太
古年堪笑東來千里客頽齡五十始求仙

普德窟

三五瀑潭沿漣回銅櫃百尺倚山開躑攀寸寸憑虛
地風袂輕如馭鶴來

金剛水

一泉全不換虛往實歸人信矣瓊漿飲彼我麴米春
豈徒清肺腑亦可爽精神各自充其量蕩然掃六塵

衆香城

重重石勢插天長萬劫常含玉雪光須識一山中最
景摩訶衍北繞城香

倪盧峰

準擬金剛最屹峯俗緣未料的源逢蔓延枝葉依根

本羅立兒孫仰祖宗北斗七星臨咫尺東溟萬里蕩
心腦丹霞翠栢交陰處逸趣真如羽客從

鴈門峴

陟磴雲生屐披林露滴衣高低山北拱遠近水東歸
自愛風光足莫嫌世事稀摩來象緯地殆若挾仙飛

曉雲洞

晚雲收處路微開絕壑長川動地來前去九龍知近
在行行筇屐十分催

船潭

天造船形不偶然古來能有幾人牽瀑珠萬斛無容

載棄置尋常路一邊

海金剛

不盡金剛這處尋權歌數曲散煩襟一旬勞攘登山
脚萬里通明觀海心曾謂天涯知己少偶逢地主屬
情深打魚沽酒斜陽路千里懷親慷慨吟

四仙亭次板上韻

半世經營入海舟溪山百折路悠悠四仙三日知何
處浦月亭雲不盡秋

萬歲樓拈梅竹韻與應溟僧共賦

寺闢新溪闕幾霜道人說法屬年芳爲客長程稀伴

卷一
侶對君一榻做班行山聳雲霄危欲墮樓當雪壑凜
生涼堪憐今古來過地太半心勞供佛香

共應溟上普雲菴

兩三客趁夕陽來清雅如君眼忽開一室圖書葢法
界千秋衣鉢託靈臺新溪魚菜人猶古龍殿香燈歲
幾回至理分明無二道胡將萬事付塵灰

依韻酬應溟

谷鳥遷喬興感多嚶其鳴矣轉清和經歲八萬誰傳
授界大三千自寤歌論學堪憐年政富話心不覺日
將斜第宜實地回頭早難再此生能幾何

萬物草

懸崖尺是路經幽回首依然上玉樓竒獸珍禽無定
體羽仙金佛不齊頭乃知造物功多費能使來人意
盡遊最愛塵清斜日外淨嶸雪色亂峰稠

九龍洞

名區自若鬼神怪歷覽於今孰柳韓百丈練垂雙鳳
瀑萬車雷吼九龍灘天然形色看常易變態風雲畫
亦難却恐塵人無慮到海門十里列重巒

玉流洞

潭澗新添雨無風也自寒真如仙界坐翻訝畫中看

側石登誰捷危橋望亦難一邦斯潔淨回首歎長安

飛鳳瀑

飛入廬山不可尋箇中六六自然音本來棲息殊凡
鳥雲表展來千仞心

金蘭窟

行到金蘭畫莫容胡爲窟有放光紅十洲世界隨形
異四序風烟滿地同石蠹秦鞭驅海外巒連禹斧鑿
龍中時人不識堅頑保指點虛誇氣勢雄

依韻酬高底李友

風雨蕭蕭一館深夜樽對酌太和襟千年瀕海人猶

古四月看山客遠臨物外嘯歌真浪迹日遠家國每
關心那知暫宿蕩蕩地滿軸瓊章遇賞音

元山南山

有心筇屐詰朝來蒲目腥塵足一哀天自無私均雨
露人何失眴幻池臺塞風千里歌三闋浦月溪更酒
數杯大地江山羞至此當今誰是禦邊才

飄飄然亭

摩挲扁額故遲遲回憶蓬翁羽化時不盡前程君莫
促團圓此閣更難期

駕鶴樓

圃老蓬仙過去樓斜陽遠客故遲留高低疊嶂連城
繞環抱長川護境流駕鶴欲忘烟火世懷人自感水
雲秋何心邊吏乘餘暇邀我空堂憇地休

釋王寺

短崖如束劣通門雲外鍾聲隔一村芳草間花春不
盡亂松蔽日晝常昏 思紛偏被三朝眷寶座因安
萬劫魂白髮閒僧亦憂國有時抵掌不平論

分水嶺

化工到此揣摩溪一定方維自不侵東出泉源分二
界南奔山脉露中心小遊豈盡江湖趣彩筆時揮五

七吟堪惜關河如矢道馬牛馱載蕩邊禁

遼東伯廟

大義擎天動夏夷稟精山嶽獨英姿誰知褒袞華陽
筆劈破重陰閉九時

高石亭

海山餘趣更何求高石東州別界幽只此堪誇涉玄
圃亦曾多事訪丹丘時艱不合思輕退身健偏宜賦
壯遊最是親堂西日迫歸心爭駛下灘舟

尊潭

綠野當年意味清客來只有谷禽鳴浮雲流水迷茫

地采采潭尊不盡情

三釜洲

踏遍仙源不做船
窮途壯觀亦由天
九龍瀑下形俱忘
三釜潭中興又牽
攀去綠崖難付屐
坐來班草更成筵
却歎淵老清高節
溪北猶留舊飲泉

龍華

昔人破僻與誰謀
一派溪源十里幽
滿壑烟霞閑計活
賞春花鳥舊風流
浮緣多感莊周夢
時事偏悲宋玉秋
浪迹曾誇仁智趣
何辭夷險盡情遊

梁文路中

幸遂登臨約還尋
舊渡橋故鄉花鳥近
仙境海山遙
携手同千里分驂
悵一朝平生孤矢志
到此十分饒

次吳孝子

寅植

墳庵板上韻

孝子或可能矣而君子不可能也信可及於豚魚而受知於王公難是何也道有偏全而德有大小也古今之民情大同而時君之好惡不常也故孝子吳君寅植自幼有根天至孝老白首如一日曾以蔭職事我 翼祖 憲考夙夜密通多保翊功 二聖亟稱於朝 臣之處肺腑列者曰此乃誠實人也又曰果

不愧為誠實君子人也逮今 上孝理之初
又馳爵旌間以褒顯之噫誠實天理之本然
也君子有德之尊稱也孝者百行之源也以
本然之天理做君子之言行而孝悌為之本
則真所謂達於天地而不違放乎四海而有
餘者豈易言哉此蓋孝子實心實德積中發
外信乎上下所致而尤以見 先王則哲聖
德出尋常萬萬也其胤竒黠甫肖其典型念
先徽之日遠慨 聖訓之易晦以事狀一本
懇中外諸君子咸有以考信而撰述之為久

遠圖嗚呼闡先德此人家子孫至情也詎可
謂無一日雅而廢大同之役忘拙步次

觀行居多不副言若人堪許有根源孝慈為德羣情
悅誠實推名 家意存老去瞻依春雨室閒來邁軸
白雲村如何世上芬華子本領空疎妄自尊

奉贈蔚珍宗人

國鎮

宗人國鎮山五甫曾以是年月日豎碣于其
先祖府使公墓道陰記數行乃不佞所撰也
役既完祭告厥由鄉中知名章甫叅享執事
者殆百餘員噫重先事此秉彝恒情也雖在

隆古之時猶可起敬况此天理民彝敗壞無
餘之日豈不為振刷激厲之一助乎謹構一
律以識之

斯役深知積累成年年海月照心明撫時多感循良
蹟考實停當處士名曠世風聲山又水裕昆志事讀
兼耕揄揚見託邦堪奉謾述荒蕪屬遠情

聞全相公

炳德

解官歸洞陰

先王法服賴謹存相國孤忠感 至尊却恨良謨多
不售浩然釋負卧衡門

領浦舟中

三人行李問津初樽酒江亭午睡餘涉盡窮途懷阮
籍經來秋雨病相如岸楓蕭瑟愁歸鳥野水澄清見
躍魚奚只設施關防重摩尼山裏又藏書

望摩尼山

一點尼山望外斜此行不愧鬢毛華護來 王室開
靈境鍾出人豪奠大家江畔偶尋多歲約月光重得
半宵明携筇緩步西征路蕭灑楓林勝百花

渡帆浦向長芝山

返照橫江露結林兩三喬木影蕭森西來多感前朝
迹東望偏憐遠客心綿路蒼葭秋水落小園叢桂碧

山陰隔塵十室無餘事絃誦洋洋和文砧

宿芝山精舍

風塵書劍屬殘年隨處浮生悵別筵沽酒何妨避物
外濯纓時或坐溪前行藏有定能由我榮辱無常一
任天百里君親如夢裏長歌落日意茫然

過麗王舊基

古來妖孽亦天生麗運誰知盡此城初始艱難如鼎
重翻淪容易等毛輕叅雲樹帶清秋色放海波寒故
國聲四境風烟都會地巷謠收拾句新成

領井浦滯雨與主人共賦

地形落落限西東邂逅堪欣臭味通君子皆從平易
道英雄亦自戰兢中千秋有約山頭月萬里寬心海
上風後會何時說今夜循環世事付蒼空

還泊領浦

兩旬久客一孤舟赤葉黃花已送秋歷歷看山皆勝
景飄飄浮海自清流休歎離索逢人少為賀盤旋卜
地幽信宿萍緣難可忘夕陽領浦意悠悠
此生自若泛虛舟粧點名園問幾秋一壑來麻真事
業百年花石亦風流依仁積德貪奚病安分劬經意
更幽箇裏蒼蒨多少感崧陽山色碧悠悠

元正小會 庚寅
蕭然丈室面青山，笈後時從野老閒。
白首耽經愁日短，丹東報國奈時艱。
舊遊長憶龍門遠，春信爭看鳳曆還。
滿地腥塵人已老，斜陽悽對五雲間。
早結漁樵伴，雲林揔一家。
面流山拱抱，隔岸砑橫斜。
歲去添頭雪，春來纈眼花。
頗疑頻日夢，時或逐丹霞。
一圍殘堞古，青城低麓長。
川秀氣明多謝天，翁分餉我於斯歌哭老平生。

上元

爭道嫦娥出，岫遲蓬門深。
處罷酣眠上元令，節人間

最獨夜清光，萬里圓燈市。
弛禁觥筴錯，星橋歌踏舞衣翩。
且看翹首歡迎地，把火兒童走更連。

贈別梁順集 在海

已卯淵源夙所奇，湖南漢北路遲遲。
浮名我乏三餘足，寶志君恢萬里期。
長夜乾坤逢此世，重明日月卜何時。
願言莫向他歧去，一念公私帝監知。

贈別洪由範 疇厚

疇厚

林仲明 肅榮

肅榮

洪昌彥 啓裕

啓裕

卓然二三子，結伴遠遊時。
關北淵源遠，湖中麗澤遲。
萍圓良不偶，蘭契孰能移。
磨琢慙意請，看綠竹詩。
映月上人至，自金剛半日接語。
殆覺眼青因以

一絕贖之

滄桑浩劫老於山物外清標邂逅間
儒佛異同何足計別懷只有夢中還

和贈盧賊五應奎李英汝基春

山河舉目摠腥塵却許花林有主人
再涉荆門多警發從知邃識別來新
問君何事躡紅塵謂向雲潭見大人
一理流環無彼此莫將平易換奇新

次東塢亭原韻

我公活計屬東岡落落高標說更長
朮志何關風雨

際眷閑自足水雲傍窮通有命栽蘭玉
緩急非才歎海棠望裏湖山人已遠
遺篇珍重動牙香

書贖洪文寶信裕

西胡荐食國隨輕萬事紛紜摠拂情
豐沛衣冠餘舊俗願言共子送茲生

勉菴先生文集卷之一

勉菴先生文集卷之二目錄

詩

次李監役

晁容

醉席韻

鄭應善

鳳基

與同志諸士友聯袂遠顧

步韻酬鄭月波

時林

贈鶴南金景振

游

贈別羅聖教

有英

次金子元智島頭流山韻

次趙老卿

羽植

回甲韻

堯山夜會

尹亨三滋 臨發依其韻奉和

依韻酬金贊亨永煥

醉日志感

贈宗人舜瑞鳳韶

趙雲坡東 瑜返自金剛拈韻叙懷

奉贈慎晦隱鶴仁壽席

送李汝直養浩次原韻

贈金秀才燦弘

步韻和鄭艾山厚允載圭

懸燈寺次壁上韻

次地主海嶠朴侯永世寄示韻

次李武仲承烈醉席韻

奉酬海嶠

送梁順集還鄉

兒輩等土壇于栗園朴侯命名以瞻雲臺

贈徐仁行鳳寬

贈李玉見現圭

次尹贊瑞滋 鳳敬菴原韻

步韻酬蘭坡洪令時模

黃君謙並黃敬亮龍 綱支月中桂 深文成汝炳

斗觸炎遠顧拈韻叙懷

次文月中琴菴原韻

贈柳魯一相次

次張曉可錫曩玩心堂原韻

書驢金有一永憲

次金子元鳴玉瀑韻

贈宋允章柱憲

送金佑卿義正還鄉

仙遊潭次石上韻

谷雲遺墟設壇後吟

次尹光汝淳學大人醉韻

魏殷弼商良臨別朮和聊以塞責

高清汝與高季文禮鎮魯南守炯聖聯袂來顧

次閔金山東燁醉席韻

次尹而見相龍穎陽齋原韻

洪川路中與柳侍讀元錫拈韻

平內村與諸老共賦

上溪贈主人李恕卿志第

狼山學士樓

次鳳舞亭韻

次羅叅奉粉巖韻

次遠慕齋韻

次喚惺亭韻

次李戴堯億祥日新亭韻

龍潭齋

次暎碧亭板上韻

河濱驛拈韻共別

湖南諸生來顧龜洞講後拈韻

金豐五顯王吳德行駿善來訪

尹雲瑞錫鳳見訪

步韻酬安景元奎鎮

別盧方淑漢哲

贈朴勝熙歸閩慶

贈咸陽禹老人宅禧

鄭周允冕圭高泚汝來訪

溪上小會

依韻和諸生

申達中恭穎金汝寬箕學聯袂款扉

世孝齋祭屏引

聖住洞浮碑

金浦精舍雅會

贈申聖淡棟

紫泉臺

樂英堂

李君圭在宗人廷鉉信宿賦別

遊麻谷寺

竒君南卿斗變從松沙遠顧書此以贐

次李道觀泰魯先夫人顧菴原韻贈別道觀

贈張秀才孝相

次安順和舜煥里仁亭原韻

疊前韻贈趙忠晉東夏歸南原

錦江途中

支石里拜立齋宋相公近洙

搜勝臺次退溪先生韻

題權君七戰斗石東精舍

新安精舍奉酬諸友

橫川影堂

題鄭致範煥斗一經亭

登頭流山

天王峯

次鄭雲弼 圭錫 尋真亭韻

山天齋次原韻

碧松亭

籠山亭

涵碧樓

臨洲亭贈主人鄭元永

竹村草堂

送郭仲汝 泰鍾

養正齋贈南氏僉少年

六宜齋叙懷

竹湖泛舟

觀瀾亭用退溪集觀瀾軒韻

次觀瀾亭原韻

亭上會講後拈韻

許員外 萬璞 惠以梅竹堂手筆印本一帖奉玩

三復不勝感懷短韻見志

蠹石樓次退溪先生韻

寄題文君澈鎬不已軒

祇拜橫川影堂

養心齋拈心字

雙磎寺

青鶴樓玩月

追次晉州樂育齋板上韻

寄題金豈五琴鼓巖

美月亭暫憇

題泉隱寺

泉隱別嶺湖諸君

漢雲村訪林熙瑞顯周

贈山清權少年昌鎬

贈警蒙齋主人

別沈景晦相福

次相好亭原韻

次修德亭韻贈宋心原性浩

別李敬莊圭錫

贈權督熙

次尹上舍奉周大人晬韻

全景則傲義邀余溪上攜酒賞花

次尹公三桓植紫陽有感韻

陳叔寶景莊訪至龜洞病室

次姜鎔善王父梅隱翁回卷韻

宗人監察 勸柱 輓

布德門外待 命

被囚日獄口號

白日獄押還本第李君陽來 道復 遠來相慰

追次定山校宮飲禮韻

次丹溪堂韻

贈別沈福汝 景澤

次李用明 起晦 不流齋韻

書贐金達三 波達 還江陵

贈宋掌令 弼周

贈吳允克 應勉

贈別南明重 昌熙 景三台 熙 歸宜春

別文德卿 達煥

次吳重涵 繼洙 雞窩原韻

贈吳清一 璉錫

次雙溪洞題名韻

疊前韻贈李用明

乙巳除夕

寄題李汝直耕雲亭

寄題三美亭

贈宗人道元 和聲

丹下僑室感題

日獄中默會五絕十四首

對馬島囚館贈先來九人

同囚諸君太半露髻勸使各製緇布冠以著之

衛戍營賦所見

主人島雄莊介借屋款接頗有慇懃底意與諸

君各賦一律書贈

通譯阿比留為人遜良書贈一絕

步兵三澤增治乞詩

通譯大浦茂太乞詩

述懷

八幡神祠在囚館傍島俗以仲秋祭之

贈通譯中島高

兵士陶山傳為厥祖此詩

通譯佐護贊此詩

步韻謝朴佐郎 奎容

依韻酬金亮日 洛昇

贈吳聖陽 鳳承

贈林國炯 應節

祚兒告歸倉卒口號

是日即重陽也山川雖異黃花猶在感物述懷

贈曹公習在學

勉菴先生文集卷之二目錄

勉菴先生文集卷之二

詩

次李監役晁容醉席韻

南極星輝壽域春松亭弧矢甲田新孝於二老庭趨
子祝以三朋座有賓浮世簪纓看若冕故園花鳥笑
相親一堂稱兕歡聲動餘慶從來積善人

鄭應善鳳基與同志諸士友聯袂遠顧

愁殺風烟列水濱諸君聯袂揔竒新始交何必朮同
調竹栢相期未了春

步韻酬鄭月波時林

聞名夙飽淵源正好會從欽志尚高日下江山今若
此許君清福卧林臯

贈鶴南全景振

游

允矣重菴子樹道功自任人事多變態末路少知音
西風忽捲地杖屨海途尋侃侃鶴南翁固窮樂書琴
聞風起遐想執鞭諧素枕談笑撫千古交契託蘭金
庶幾勤夙夜同此歲寒心天降斯文禍雲溪月影沉
今日定何日感涕自難禁擬伸漬綿誠白首歷遠岑
而我病踈慵寂寞守窮林孰謂千里役迂路陋巷臨
知己良不易一嘯發長吟已卯家聲遠儒門潤澤深

淵氷工夫大專攘義諦杰林好德曾聞古衛師始見今
凜爾方寸積可笑西鬼侵仔見冠山下一雷破頑陰
屬當催寒節無計攬子襟何堪風雨夕閉戶獨擁衾
願言毋金玉時時替盃箸

贈別羅聖教

有英○癸巳

羅君聖教曾侍重翁謫所受石潭寒泉之編
近又負笈於智葺老人門下計以爲服勤卒
業之地其志甚不草草可尚也已

二老胸襟世孰如公成物我了無餘知君託迹諒非
偶須惜光陰免擲虛

次金子元智島頭流山韻

孤山壁立鎮奔流重老吟蘭問幾秋莫說天涯知者
少於今尚續後人遊

次趙老卿 羽指回甲韻

和氣中堂舞彩新主翁康健六旬春舊文我是同庚
友晚福君應種德人 聖代烟花開壽域仙區松鶴
接芳隣華觴此日先疆祝想像孤筵樂意真

堯山夜會

百世淵翁宅遺風說更長寸心宜盡瀉清夜未渠央

尹亨三 滋 以僕夫病故留連數朔開懷多矣

臨發不可無一語依其韻奉和

締綌天寒又僕痲三旬晝粥賴多聞殷師故國看如
許慎向竿頭著力勤

學古許君心不渝養閒愧我老無聞嚴師近在靈臺
上枉費衰年道路勤

天荒九峯谷訥字揭扁明湖海追真派楚梁得此聲
岫雲忘世累溪月照心清歲暮多般感非徒送別情
痛矣百千怪蟬竦白日明鳳蹲何足數烏噤久無聲
大道終難息濁流會見清窮途吾孰與長嘯賦幽情

依韻酬金贊亨 永煥

道非高遠在日用即其門只得吾身好何關九字昏

醉日志感

觀於已往其年有長於我者有敵於我者有
卑幼於我者及其終也或弱壯而止或強衰
而止其至周甲者蓋亦罕焉則五福之一曰
遐尊之齒一亦無恠為聖人之所尚也故凍
水翁居家雜儀獻壽家長為一大節目而朱
先生編入家禮其義尤可知也余稟質脆弱
自十歲以上至三十左右未嘗一日而無病
病必幾殊幸而免焉癸丙以來孽自己作事

機尤別近而左右諸大夫噫嘻請諫之章遠
則瘴海數千里水土傷生之厄夫知其萬無
全完乃 聖主欲其生朝廷寬其典放廢田
廬隨分飲啄而馴致今日乃意望所不及適
爾家室平康六親無恙薄言湯餅亦有賓客
視我先父母甲日之為則又濫之濫矣過之
過矣風樹之感鴿原之慟誠不忍循例受酌
亦難容以吾之所不能於已往並屈子孫輩
情理也不得已設筵中堂余與從弟席于東
夫人與丘嫂席于西家衆以次序立稱觴如

儀此又我曾王考嘉陰府君庚午後初有之
舉也噫天之餉我厚莫厚矣而環視平生無
一善狀旋旋與宵人凡夫同其埋沒不亦可
哀者乎古人有六十九而德益進者過此
以往餘景遲速只當付命於天雖一日之間
苟能過而知悔悔而能改不以血氣之衰而
怠其振刷之工則迷復之凶未必不為小貞
之吉此乃區區所自警而宵宦交戎勿以老
耄而棄之亦不能無望於厚我之君子也

曰余生幸小華東六十年過夢覺中鬢髮但看朝暮

別心期猶許壯衰同萬回難報劬勞德再造能忘覆
載功俯仰公私多少感臘天白屋誦泉風

贈宗人舜瑞 鳳韶

僻地孤懷賴子寬詰朝其奈別離難自憐救世無長
策枉許匡君有寸丹朮友能尋前歲約話情剩得數
宵團寄言衆楚交咻地進步如當百尺竿

趙雲坡 秉瑜 返自金剛拈韻叙懷

微身匏繫漢之東夢想虛勞趁下風多幸名山來去
地留談豁我六塵空

奉贈慎晦隱 壽仁 壽席

白首江湖誦北風故人花甲又山中趨庭縱少克家
子友瑟堪誇偕老翁景晚棗榆心益壯年深杞菊計
無窮遙知是日懸孤席一斛韶顏借酒紅

送李汝直

養浩次原韻

壯年自得是心師發軔長程萬里期驕吝曷容畱點
子怠昏慎勿著些兒十霜雲樹勞關夢三宿萍蓬慰
所思人事疎慵君莫訝浹旬秋雨病支離

贈金秀才燦弘

芳年階級有賢師燃火達臬不盡期蹄跡交橫天地
老挺身須作好男兒

步韻和鄭艾山厚允

載圭

幾人能學蘇齋老十駕難追後栗翁安得吾儒齊衆
力日輪捧出海之東

懸燈寺次壁上韻

丙甲

展拓天荒故國初羣峰羅列護僧居隨風林壑鍾聲
遠蔽日巖阿樹影踈水列金剛宜療疾山高石室可
藏書休云勝景三春度蒲目烟霞興自餘

次地主海嶠朴侯

永世寄示韻

病蟄窮山已息機一心焯焯我侯依解懸先救民憂
急設教將回世道非檣櫓殘生慚鬢雪江湖晚契理

簔衣縱知俚曲難酬雅却怕籠鷗見月飛

次李武仲承烈醉席韻

趨營如昨泮林春霜髮鬢驚覽揆辰勉述家聲心緒
遠挽回鄉俗口碑新方知名下無虛士何幸衆中見
古人亦有兒孫能不墜禮遵涑水喚朋隣

奉酬海嶠

晚詛青山不願餘猥煩賢府訪巖居教民心學今誰
有古事堪登太史書朴侯惠心經一部故云
品物當陽態各新聞閒事業付農隣深知半餉溫溫
話洗我腦中萬斛塵

送梁順集還鄉

九疇遺法掃無餘民物何時奠厥居休歎林樊滋味
薄令人猶有古人書
知君厭俗卜居新山我親朋水我鄰道路奔忙無補
事幾人免却老埃塵

兒輩築土壇于栗園為講習之所朴侯命名以
瞻雲臺因與鄉中諸士友盛備酒饌來會盡歡
栗園展拓強稱臺無事閒翁任去來太守風流類枉
駕故人懷抱共舍杯清泉分日平郊潤翠岫文陰斷
岸開縱是瞻雲名義重 聖朝愧匪棟樑材

贈徐仁行 鳳覽

送君千里感懷新風雨
殘年孰與鄰到底窮
通還有命聖賢從古不欺人

贈李王 見現圭

堂構百年事益新
溪松園竹揔芳隣
遙知閑曠漁樵地
一片靈臺是主人

次尹贊瑞 滋鳳 敬菴原韻

人言能讀五車書
及到收功便幾如
此老平生心得義
誰其知者勉翁余

步韻酬蘭坡洪令 時模

末俗紛紛尚恠奇
幽蘭空谷少人知
古家遺則梅翁學
晚歲新工衛武詩
世事翻雲何足說
我心如石未能移
此生荆識難為計
瞻誦徒勞不寐時

黃君謙 堂 黃敬亮 龍顯 文月中 桂洙 文成汝 炳

斗觸炎遠顧拈韻叙懷

雲末筇鞋次第忙
萬山陋室爛生光
晉陽大節聞多日
忠肅家聲閱幾霜
學以存心皆善信
言能記實摠文章
堪誇壹鬱無儔地
邂逅奇緣詠又觴

次文月中琴菴原韻

烏巾野服換紆青
杞菊新排舊戶庭
底事冒炎千里

役交情如水決旬停日邊風雨虛吾老物外江山獨
爾醒半世窮通何足計到頭夷險摠堪寧

贈柳善一相大

煌煌心太極萬化爰樞紐虛明真實體何嘗間賢否
只緣氣稟拘重牽物欲誘汨沒不自持東西任奔走
如將一念覺卽此便戶牖况此人數際焉容暫放手
勉焉日孜孜庶幾見悠久

次張曉可

錫曩

玩心堂原韻

四天風雨惡何地可安身輦轂吾虛老江湖子獨真
結廬隣水石擇里遠蹄輪莫謂斯文喪令人卽古人

書贐金有一

永憲

華夷元定位人獸不同名彼哉狂叫子容易襲天明
可愛温温質蚤分小大程丹田苗莠雜須慎一般耕
次金子元鳴玉瀑韻

青蓮詠瀑昔廬山智老風流又此間滿國腥塵空閉
戶玉鳴只有夢中還

贈宋允章

柱憲

何處青眸客遠尋白髮翁著跟須實地若木亂西風
送金佑卿義正還鄉

欣握三宵講聖賢歸裝海陸路俱于心悲紫陌懷書

免菴集
日行紀雲潭就道年老境不堪離緒苦逢場曾荷夙
情偏小萃物色今如許卷裏哀歌又幾篇

仙遊潭次石上韻

物外尋真屬景殘松陰落處石成壇蒼崖夾東流霞
濕亂瀑中喧噴雪寒市遠縱稱無別味境深自足養
神丹堪歎射利營營子每向西塵誤彈冠

谷雲遺墟設壇後吟

雲端秀出丈人峯管下林泉盡別谷谷中揖讓時非
偶山外衣冠路幾重短垣碑記餘籠水隙地風聲鎮
卧龍歸後遲遲君莫促過斯一步與誰從

次尹光汝

淳學

大人晬韻

天佑仁人降百祥漆原古閣澤流長蒲庭鸞鶴陪歡
地涑水家儀爛有光

魏殷弼

商良

臨別朮和聊以塞責

故人千里遠時發夢中來舉目山河異回頭歲月頽
存誠宜對卷宣辭強啣盃早晚需才器君其勉矣哉
高清汝與高季文禮鎮魯南守炯壘聯袂來顧
山裏春秋別有天松貞竹傲翠相連感君筇屐輕千
里愧我書琴負壯年舉目深知懸日月出門其奈暗
塵烟不期此會成真率三宿蒼崖綠水邊

次閔金山 東嶽 醉席韻

六旬內事盡天成南極星精八戶明率已仁民何有
政教兒補衮亦云誠滄粟閱劫難茲會孤矢重展樂
彼觥但少瑟瑟偕老地不同壽席遠馳情

次尹而見 相龍 穎陽齋原韻

小屋蕭然傍紫陽遺篇如昨動牙香非關洗耳人間
事自有殷憂水共長

洪川路中與柳侍讀 元錫 拈韻 庚子

纔出門庭萬事輕逢迎隨處摠新情堪憐人獸交關
地到老無聞等醉生

平內村與諸老共賦

主人書室澗之濱三老團欒事更新得酒安辭終日
醉有錢難買少年春細論往迹香生頰欲說時艱淚
濕巾可愛百年考槃地棠蔭花石摠精神

上溪贈主人李恕卿 忠鎬

上迹洛閩接孔顏海東正脉仰陶山賢孫克紹先生
志勉向門庭努力攀

狼山學士樓

遊履翩翩路走東鷄林往事水雲空廢苑盡是今阡
陌指點無非古殿宮羅氏陵前歎落日文昌碑下挹

清風此行未料成團會樽酒何辭數夜同

次鳳舞亭韻

小亭瀟灑水之干清素家風樂且安徃古無如今世
界幾人能守舊衣冠東西夾對論經室上下階層講
禮壇鳳老當年垂裕地至今空有後生看

次羅參奉粉巖韻

公山風物雨中過從此參商可奈何堪歎嶠南君子
國巴翁私淑姓傳羅

次遠慕齋韻

修舉廢隳用力深肖孫肯構百年心見聞平日懷羊

裘瞻掃長時友鹿林只怕風頭難住脚不關山外少
知音殊鄉觀物吾何敢且向吳中費討尋

次喚惺亭韻

名區不受世氣侵望裏亭扁字字心須知先輩淵水
做暗室常如有赫臨

次李戴堯

億祥

日新亭韻

數疊湖山是廣居翩然筇屐雨初暮年嗜學誠非
易好事堪登太史書

龍潭齋

山南講習屬殘年滿地風烟別有天榮悴那將當世

較是非且待後人傳

次映碧亭板上韻

軒濶東西十里汀居中無恙百年亭古人卜地寧徒爾為是江山氣所停

河濱驛拈韻共別

多謝簪鱗伴觸炎共見隨莫將閒散跡說與俗人知

湖南諸生來顧龜洞講後拈韻

客驢齊趁菊秋時特地輪經樂未移久矣堅冰長夜世許若能續遠遊詩

金豐五顯玉吳德行駿善來訪

朋自岳陽又錦城一條心訣水之清久文正合從初
敬晚學方知積小成霜襲寒林分夜色風同落葉戰
秋聲腥塵滿地人全老多幸逢君瀉不平

尹雲瑞錫鳳見訪

茅屋蕭然枕碧山十年情話一宵閑休云黃卷今寥
落天意將看不日還

步韻酬安景元奎鎮

有朋來自遠三宿細論文壯志正斯道浮榮視彼雲
但云難為已何用惜離羣多謝水泥磧筇鞋分外勤

別盧方淑漢哲

寂寞龜山社每多會以文朗吟樽對月散步杖隨雲
思古誠難及居今孰與羣却知人世事要在做心勤
贈朴勝熙歸聞慶
嚴父賢師幾以加自餘只在鑽研多請看巖下涓涓
水不息終成萬里波

贈咸陽禹老人宅種

天下有安宅令人枉費心却欽柏田老守舊卧空林

鄭周允冕圭 高淸汝來訪

無端中夜動悲歌萬事其何白髮斜須識古來傳守
訣先從大界辨夷莘

溪上小會辛丑

僑居小屋傷寒溪遠客翩翩日未西美來身計兼慵
病話到時艱錯笑啼庭梧抽節琴材半岸草句萌藥
性齊好會百年難再得且將樽酒覓詩題

依韻和諸生

細流能學海一簣可成山而我昏頹甚虛名滿世間
寸心餘短髮拳土奈崩瀾多愧簪簪伴往來不暫閒

申建中奉頌 金汝寬真學 聯袂款扉

天意昭昭俯仰中流形品物不言功避地吾甘居木
石傷時君亦感泉風處獨誠能分黑白臨危庶免倒

西東豈云末路無知己尚友千年趣味同

世孝齋祭屏引

豐沛屬縣有陂山望中佳氣正鬱葱五聖嵯峨出西極西浦之水流玉虹翰臺磊砢鎮南維又有一條昌江不息功中有李氏遺齋名世孝藏一祭屏風屏風何所有五世六孝事行庶幾開羣蒙五世六孝何其壯非但擅淚東董家祥瑞化鷄狗李家世孝子子孫孫垂無窮肯堂又有人云是雲田翁孝是自家事矧復言論風旨足以警聵聾昔我在瀛洲坦視鯨濤鱣浪來問籬棘中片言半辭間心神已融融迄今三十

載石藜共始終又聞有子四昆季箇箇千里驄嗟哉李氏誰將與同維皇上帝降衷初罔或異畜豐哀今之人胡為都罔而徒然一鰥蟲嗟哉李氏無與同

聖住洞浮碑

數仞穹碑不記春普光空色屬前塵掄揚賴得文章手起敬千秋歷覽人

金浦精舍雅會

盪胸南海勝回首北山遙可愛林居子掛冠事牧樵天地恢恢大難容一殼形海邦餘舊俗蓬戶讀殘經

贈申聖淡 棧

皎皎人如玉短衫不掩形清修居陋巷活計抱殘經
嶺海吾虛老風烟子獨醒休云知己少自有鬼神聽

紫泉臺

荒原空有後孫來此是先生舊釣臺莫謂清風高尚
已三韓文物賴誰開

樂英堂

樂英錫號義非輕山仰都從自性情四海風烟無淨
地且將何說答諸生

李君圭在宗人廷鉉以文昌先生影堂營建事
問及定山病室信宿賦別不勝悵懷聊以露拙

艱危須急仗先賢短策于于涉大川仁者贈言吾豈
敢賦形各有一團天

遊麻谷寺

華山秋色古如今石逕穿雲費討尋但道鷓梁悲白
髮誰知魏闕老丹心餘生幸不先朝露窘步居然趁
夕陰偶爾良朋同五六相看脉脉坐更深
搜景不嫌路更遠幽懷說與故人知物外登臨如昨
態日邊風雨此何時辭事老僧方進酒悲秋遠客又
題詩堪憐古木如相守開落千年老榦枝

奇君南卿

斗變

從松沙逕顧書此以贖

退高往復有傳善不問光山是子居欲識箇中真境
界天機活潑視鳶魚

次李道觀

恭晉

先大人顧菴原韻贈別道觀

相世滔滔分外顧有餘不足是公顧知君心學淵源
正勉向門庭著意顧

贈張秀才孝相壬寅

乃祖經綸手六旬老布衣克家孫又肖吾黨爛增輝
贊見還多事道交易謂微苟克今日志賢聖可同歸

次安順和

舜煥

里仁亭原韻

晦老家聲望一州見君志切晚功收仁里傳名餘舊

俗小亭得筆鎮頽流蚤向吾心修本實肯楮衰季事
沉浮堪嗟疇昔三宵穩回首居然已十秋

疊前韻贈趙忠吾

東夏

歸南原

知君姿性雅而幽且向芳年任壯遊擇地焉容非禮
踐蕩宵不許點塵留論心政喜類聯榻惜別其何獨
倚樓莫謂窮途難著脚黃花綠竹耐深秋

錦江途中

殊鄉觀物揔新容伊軋藍輿睡意濃落日逶迤江畔
路兩三遠友不期逢

支石里拜立齋宋相公

近殊

相公出處儘從容
水竹生涯淡且濃
棄海殘生猶有命
暮年爲許大人逢

搜勝臺次退溪先生韻

嶠南饒水石搜勝
擅名佳石出潭因
舊霞濃逕不埋
曾誰三洞主
令我上清懷
吟就翻歸去
幽香滴斷崖
朮朋千里我來東
晚契逢君臭味同
數畝棠麻傳世業
百年詩禮見家風
心存平坦方言道
事不因循可
做功須識前脩魏
大節著跟祗自戰
兢中

新安精舍奉酬諸友

兩賢俎豆昔何年
山自峯巒水自淵
莫謂斯文墜地盡
且欽多士秉心堅
居殊南北常勞仰
會共親疎謾被牽
從此團圓那可料
萬緣都付不期然

橫川影堂

嶺表衣冠動起欽
此時此舉亦天心
衆蓬餘志輕千里
湖海行裝度幾岑
佇見儒風嚴向背
肯同時輩事浮沉
七分遺像瞻依在
立懦廉頑可自今

題鄭致範煥斗一經亭

橫溪東畔一茅亭
窓外犁鋤案上經
定省有餘牽野犢
漁樵纔畢拾秋螢
君家理學傳心法
是處雲林悟

性靈歸視高堂翁號隱初筮相對便忘形

登頭流山

稀年方丈約賴有二三公願借推移力期於最上峯

天王峰

乾坤初闢在何年準備頭流擎後天層崖陰織春無
盡下界雲蒸晝欲眠瞻依日月頻回首管轄山河摠
俯前莫謂尋真多別路發源自有逝斯川

次鄭雲弼

圭錫尋真亭韻

名山古多寒棲幽館高人逸士余於頭流千
萬疊入中山而得尋真亭入其亭而得主人

如鄭君雲弼甚奇遇也雲弼以箕裘業出脚
韞韋位緋玉一自世變來遂絕意名韉盡室
入山行住坐臥不出於亭而每泉聲嶽色之
中嘯詠自樂不知老之將至家甚清素而高
朋滿座樽酒不空又往往多急人風使我稀
年衰脚無事登頭流絕頂者亦雲弼是賴雲
弼真可謂今世之逸士也亭即其王考二幸
窩雲峰公菟裘而雲弼所肯構者板上有原
韻願以老醜託名於茲以備異時故事云
于里南爲得此亭于今始見玉壘形秦漢迷蹤但雲

白唐虞舊物有山青
焯焯孤東園夜枕悠悠殘夢入
朝廷君家心法傳來好歸卧吾廬作師銘

山天齋次原韻

天幹少微映海東先生氣像與誰同
德川水白千秋月方丈山高百世風
優遊敬義真詮上涵養神明一
舍中晚生來過藏修地始信儒門路直通

碧松亭

古榭平臨野草青南來行色仗先靈
漢宣年號于何證山自巍然水自聲

籠山亭

吾家先蹟仰茲山流水行雲歲幾還
常恐是非珍重句宛然心畫未曾刪

涵碧樓

南州形勝擅斯樓何幸殘年賦壯遊
莫謂初程迷向背巴翁手澤炳然留

臨洲亭贈主人鄭元永

自入南州邂逅多勿溪兩夜宿山家
臨洲世德源流遠勉向遺編鑽仰加

竹村草堂

若木西風捲地寒先公有此卜居安
樽前魚鳥閑精

熟山外棠蔭活計寬樵牧流傳君子號布韋增色大
夫官平泉花石今無恙何慮尊門嗣守難

送郭仰汝

兼鍾

秋葉風鳴別路悲江湖千里渺前期源頭大致容輕
說日向塵編溫舊知

養正齋贈南氏僉少年

山泉取義屋新成鉅筆如椽字勢明若把象辭勤著
力許君不負聖人情

六宜齋叙懷

萍綠迎送記成林接引多慚未盡心惟是舊交頻入

夢炎程烟雨好相尋

竹湖泛舟

天一精神屬至柔片時木道冷如秋頽波或恐將趨
下分付停舟最上流

觀瀾亭用退溪集觀瀾軒韻

登臨其奈老衰何回首前塵謾發嗟堂構百年風不
替開樽剩洽一宵多

次觀瀾亭原韻

粧點名園歲月餘遺風傳誦頌人居賢孫克紹先公
志夜晝循環洛達書

亭上會講後拈韻

離鄉三朔若為情詩到觀瀾強有聲
雨歇濂江山更好翛然使我六根清

許員外萬璞惠以梅竹堂手筆印本一帖奉玩

三復不勝感懷短韻見志

四海成先生昭昭臨白日手澤尚無恙
宛如孔壁出 蠹石樓次退溪先生韻

晉陽三節垂青史寓地清芬有此樓
社稷貞忠星北拱朝宗大義水東流
層欄壓石微涼動曠野連天積翠浮
從古用兵多不效浩歌一曲對芳洲

寄題文君澈鎬不已軒

鷄鳴山下路側耳讀書聲不已無多事
一言蔽以誠 祇拜橫川影堂

前對澄江後碧峯遺風瞻仰七分容
小孫亦賴神明佑無恙經過路萬重

養心齋拈心字

令人心亦古人心為愛諸君用力溪
海內滔滔無淨地聊將餘日託知音

雙磎寺

緩步綠溪滌上頭一區蕭寺占清幽
尋真無懼千層

浪向日其何萬斛愁筆活雙礮昔石老樓在青鶴水
雲浮休言浪迹迷南朝久矣吾生失枕舟

青鶴樓玩月

崇禎五壬寅雙礮秋七月蘆蘂兩門會思之儘奇絕

追次晉州樂育齋板上韻

儒館恢恢舊將臺從今何患之良材男兒聊自名垂
竹富貴還空夢入槐齊嶽須知咻衆息魯論方見遠
朋來諸生且念洲冰戎老物臨風意莫裁

寄題金豐五琴鼓巖

山石性於石移家徇此巖無聲中有韻真意孰能諳

美日亭暫憇

絕頂烟霞席酒鷄出草菴新交言未了策馬路從南

題泉隱寺

千年方丈寺爽氣掬甘泉無端經信宿霖雨若爲緣

泉隱別嶺湖諸君

離懷同老少時事變朝曛從此茫然想只憑過嶺雲

漢雲村訪林熙瑞

顯周

主人邁軸昔何年曠野茫茫別有天千里參商徒戀
結偶然一夜樂同眠

贈山清權少年

昌鎮

陟遐須自通入室必升堂用工何處始小學乃其方

贈警蒙齋主人

雨後穿過百折溪竹林書屋眼開時曾聞孝友家風
遠偶值團圓一夜遲

別沈景晦 相福

莫以新知泛初筵意可通人心豈或異氣數有時窮
蔬糲能嘗肉江山不換公庶幾勤夙夜收得一原功

次相好亭原韻

王川世德號斯亭孝友家風迥莫并但使吾心期實
踐肯循流俗做虛生歷年芬苾依宗祖四節追隨樂

弟兄陋矣滔滔昧倫子大言如醉自難醒

次修德亭韻贈宋心原 性浩

伊人亭子澗之潄列岫連雲望裏森不尤名利修天
爵大耐貧窮養道心清風當夏憑梧几皓月中宵臥
竹林可愛賢孫堂構地良朋時有遠來尋

別李敬莊 圭錫

性命氣形較重輕有時相奪尚難并但要專一切隨
立莫或偷閒事不成

贈權督憲

九仞山從一簣成妙年發跡不宜輕君家詩禮源流

遠勉向遺篇講討明

次尹上舍奉周大人醉韻

東都浪迹昔何時邂逅萍場託已知聞說棗蓬回舊
甲且將書劔付賢兒賀騰鄉里詩盈軸喜歸門闌酒
溢危休道從今西日迫天翁降瑞自無期

全景則做義邀余溪上攜酒賞花癸卯

二界之交關洞天活源中有逝斯川漁樵同伴如期
地老少相歡不計年取適無妨花下醉忘形且假石
頭眠窮途知己如君甚倚杖徘徊夕照邊

次尹公三桓植紫陽有感韻

誰將鉅筆續秋陽故國衣冠賴黨鄉想像二賢同享
地一源活水瀉方塘

陳叔寶冕丑訪至龜洞病室接而叩之乃其九
世八世若高祖並是華陽夫子淵源芝種醴派
尤極可愛

各其垂老地邂逅屬殘春三世淵源正如君更幾人
次姜鏐善王父梅隱翁回卷韻

華筵垂禮設重新壽福康寧必是仁杞菊西巴知永
歲桃梅南國興長春堂前彩舞放呈戲床上偕琴叶
叙倫復感黃麻天爵至遙瞻北斗拱星辰

宗人監察 勳柱 輓

四子承歡日六旬偕老年篤倫家室潤縻爵姓名傳
意倦登山道魂隨過海船誰能離此者臨紙淚潸然

布德門外待 命 甲辰

歲暮三韓國吾 王自聖明孤臣偏被眷積罪至今
生

被囚日獄口號 七

萬事曾聞有志成跨年 闕下置身輕寸丹未效倖
先及更作何辭答 聖明

自日獄押還本第李君陽來 道復 遂來相慰

青眸相對索居中歷盡艱危到巷窮過境風霜那更
說世間憂樂本來空

追次定山校宮飲禮韻

吾道幹旋機在天箇中一線斷還連沙翁遺澤知何
在此舉猶能永世傳

次丹溪堂韻

故處士柳公載弼隱居井邑方丈山下丹溪
之上生卒八十一年行於家者孝友立本聞
於鄉者忠信為主殆質美之善人不可得以
見者也余少公十二歲且居相遠雖不及顏

而其心若朝暮遇乃叙述事行庸副賢子孫
闡先之情

聞道丹溪繚且幽中遺處士讀書樓曾於他逕無回
惑惟向聖經勤索尤愧我毫端題本末知公皮裏有
春秋吟魂寂寞從何覓只見荷珠照月流

贈別沈福汝

景澤

瀉出真情沈隱侯暮年離別不堪愁此生重面良難
事斜日長歌獨倚樓

次李用明

起晦

不流齋韻

求仁仁不遠何用更遲疑借聽還餘事耽經乃分宜

書贖金蓮三

渡達

還江陵

東都有佳士一面如舊知漢北曾虛枉湖右共說詩
儘覺情好篤胡然遽告歸握手臨歧路西風吹客衣
丁寧贈一語吾子幸聽之地軸今如許天綱詎能移
欲仁仁斯至勇往莫疑遲

贈宋掌令

弼周

掌憲宋君蚤業公車晚占巍科即少屑意諸
般履歷可端步致之而乃退遂初服躬親耕
稼教子課孫若將終身其非審於華夷人獸
之關者不能可愛也已為拈短韻以供一粲

景武臺前放榜時 天顏有喜遠臣知
滄桑世事今如許 半夜孤東泣咬其

贈吳允克 膺勉

卷對前賢百世興 友成何患我難能
民生日用皆吾道 積累終看到上層

贈別南明重 昌熙 景三 台熙 歸宜春

萍蓬分辭昔何年 未料今行自日邊
難弟難兄溫玉美 學詩學禮古家傳
莫言此世容無地 須識吾人信有天
老境離懷那可道 驛亭春樹遠含烟

別文德卿 廷煥

一日吾老長相逢 幾歲餘生涯雲水窟
門路聖賢書要使 新工進須教外誘
除丁寧臨別語後約莫虛徐

次吳重涵 繼洙 難窩原韻

欲和清篇下語難 許君喫緊並三難
傷心宇宙斯何日 立脚風頭事最難

贈吳清一 琏錫

隱居復何事 終日掩柴荆
縱倦琴書樂 堪誇山水清
遠朋肯顧余 知有夙心傾
素履安蔬糲 真腴講誠明
溪慚未聞道 何以酬眷情

次雙溪洞題名韻

聞說諸君子萬緣付此溪
琢磨須努力何患世情迷

疊前韻贈李用明

良朋來自遠三宿徬寒溪
人獸交爭地深知路不迷

乙巳除夕

來歲曾吾負笈初生涯
隨處一蓬廬漁樵喚伴常云
足蔬糲成家不願餘艱險
莫歎今日事依歸自有古
人書可憐名利場中客
役役終年摠落虛

寄題李汝直耕雲亭

亭出人間世雲深稅外田
把犁非素志服藥可長年
嘉遯占閒土孤棲有別天
箇中無不足何必願神仙

寄題三美亭

巖谷給呀結數椽歲寒能保鐵
心堅祗緣一撮安頭
髻擲却當前萬貫錢

贈宗人道元

和聲

涯角一千里源源豈易言
君家長在目江上竹林村
丹下僑室感題

溫溫丹下翁詩禮望南服
翰墨尚餘事取善如不足
漢北傾蓋日鷺城邂逅席
傷時兼憂道媿媿輸悃悞
別來曾幾何遽已九地隔
行至升魚洞在淵亭揭額
故人不可見圖書證遺躅
家有無憂子庶幾託心跡

日獄中默會五絕十四首

書生無軍旅之責八旬非從戎之年但值此
非常之變上自朝廷下及草野除暗聾破壁
外其惟曰在家不知者決是無人心者也第
孽由自作累及諸君慚負多矣不拘簾格信
心叙實各贈五言一絕用備日後掌故

未了衆海劫重踏石藜場一敗咎誰執愧吾之寸長

右自責

毀譽關何事反身樂有餘造次一言要知讀古人書

右贈高石鎮

溪山追孝日虛邑誓衆時秉義公天下焉容點子私

右贈林炳瓚

禍網尚可脫損疾神佑然深知還鄉日藉手拜先阡

右贈文達煥

各在貧病地會少別常多偶同南冠繫相望可奈何

右贈梁在海

疇昔方丈緣尚在夢想中不意今日事心迹與之同

右贈林顯周

皓首奮猷草野願忠心亂賊人皆討何須問古今

右贈金箕述

風頭能不迷處逆如順境匪養邦可誣常目揭宇首

右贈趙愚植

咄咄今天下橫羅亦一時假使進於此吾心孰能移

右贈趙冰善

南國迷前路行行問子居可愛乾淨地家風不願餘

右贈崔濟學

芝翁垂統緒舊德至今食懷珍鮮不售當此須努力

右贈李容吉

平地无妄厄其亦玉爾身自此須勤讀淵冰做精神

右贈柳海瑤

淵翁善造士徃徃嘉名錫歲暮人已去子兮將安適

右贈羅基德

落日淳昌館誓死纔二七惟君先致命吾輩賴生色

右輓鄭時海

對馬島囚館贈先來九人

藐爾書生秉義敦古家風韻至今存忘私公耳雖云

右屬李佺

壯其奈偏慈望倚門

布韋於國事無關泄泄時論膽欲寒一切隨風濡首

右屬柳濬根

地許君能守舊衣冠

君家名義聞曾慣幾息乾坤眼忽開鱗水蛇山休說

苦木經風雪也成材

右屬安恒植

中夜悲歌何激越世間無地讀陽秋曾知家德源流
遠勉向柔櫪努力叔

右屬申輔均

暴虎馮河吾不與聖門垂誠自分明惟君秉執能先
義不以己私較重輕

右屬李相斗

蹄迹山河天亦老此行何愧鬢毛幸袖中勤拾烟霞
滿歸對鄉園座客誇

右屬崔相集

寄吾身處便吾室萬里層溟接太虛隨地安閒如子
幾知應前此富三餘

右屬文奭煥

母老子孩貧且甚百般誰意有今行從知萬事皆前

定肯作區區兒女情

右屬南奎振

幼而知愛長知敬人不虛生此世間餘外窮通何足
美先民皆自坦途還

右屬申鉉斗

同囚諸君大半露髻勸使各製緇布冠以著之
捲地西風俗尚移毀形裂冕此何時緇冠依倣宣尼
制動止從今可用箴

衛戍營賦所見

積雨初收淑氣生殊方玩物亦闕情去來軍艦兵威
壯上下樓臺客眼明未料衰年居海國可無餘日向
王城浩歌一曲徘徊久數疊林巒夕照橫

主人島雄莊介借屋款接頗有慇懃底意與諸君各賦一律書贈

懸崖續筧引清流別界盤旋問幾秋草樹連陰通細
逕蠶絲專綦闢層機羨君活計山猶在愧我殘生水
共浮回首滄溟三渡地百般物態最茲遊

通譯阿比留為人遜良書贈一絕

夙夜君非自在身吾儕均是等閒人乘時問訊真多
感始識殊方亦有鄰

步兵三澤增治乞詩

孤懷壹鬱向誰開拭眼清標間日來却爲方言難以

辭故教遠客覓詩回

通譯大浦茂太乞詩

人如有作可移風形氣心情賦與同邂逅一方談笑
地深知敏慧出羣中

述懷

三旬廣廈養清閒榮瘁頗看鏡裏顏報時鍾落嚴原
港向日舟過富士山往事多干疑懼地浮名空載是
非間蕩蕩昊天臨在上肯令吾輩不生還

八幡神祠在囚館侑島俗以仲秋祭之連三日
男女老少會同遊賞

海外瞻聆此日新
林林畢會域中人
禮神古俗云何
自事在天荒不記春

贈通譯中島高

妙年才識埒籛金
萍水逢迎屬意深
四海營營爭利
地幾人能保丈夫心

兵士陶山傳為厥祖朮詩

安聞契活水雲邊
憂樂平生摠任天
哥矣肖孫能解
字謂翁於我等行年

通譯佐護贊朮詩

溫溫其質屬芳年
尺籍從戎世業傳
孝父忠君根在

我孜孜勿負自然天

步韻謝朴佐郎 奎容

海中秋色晚孤鷹
帶書行成敗惟天命
何須問死生

依韻酬全亮日 洛昇

鳥獸遍天下黃河何日清
故人寄書至白首讀秋聲

贈吳聖陽 鳳泳

大地山河屬歲寒
驚君不計路行難
窮途利病何須
問到底容身宇宙寬

贈林國炯 應帶

蒹葭白露一秋寒
萬里覲行幾涉難
聞說主人能重

義初還酬接十分寬

祚兒告歸倉卒口號

海色蒼茫曉氣寒此時去住兩情難吾生伸屈天惟在勉使家人笑語寬

是日即重陽也山川雖異黃花猶在感物述懷
羈中送子夢愈新海外誰憐海內人謾記鄉山秋熟
日黃花白酒喚朋隣

贈曹公習

在學

曹君公習數十年舊要也當此危疑之地自
已利病傍觀譏笑置之度外絕海殊域視如

戶庭少無趨趨畏悼之意者夫豈易言哉病
枕蹶起為拈短律一首又使同囚諸君續以
和之用備異日掌故時丙午九月二十一日
也

契託蓬麻歲月深乘桴遠役趁秋陰淵淵一水溘頭
活勉副當年授受心

勉菴先生文集卷之二

